

Forfatter: Helgesen, Poul

Titel: Udrag fra Chronicon Skibyense

Citation: Helgesen, Poul: "Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab", i Helgesen, Poul: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*, 1932-1948, s. 71. Onlineudgave fra Arkiv for Dansk Litteratur: <https://tekster.kb.dk/catalog/adl-texts-helg06val2-shoot-idm140415585062272/facsimile.pdf> (tilgået 07. maj 2024)

Anvendt udgave: *Skrifter af Paulus Helie 6. Bind / ved Marius Kristensen og Hans Ræder. - 1937 Udgivet af Det Danske Sprog- og Litteraturselskab*

accepta pecunia, est in Coloniā reuersa. Huius-
modi igitur diuortio ab uxore simul et digamia so-
30 lutus, factus est primo canonicus Roschildensis, mox
sacerdos, deinde regis Ioannis Cancellarius. Paulo-
5 post ad Angliam et Scotiam legatus. Deinde Prepo-
situs Monasterij Dalby in Scania. Nouissime autem
episcopus Roschildensis factus est. In episcopatu
autem uixit duodecim pene annis, obiitque in magna
omnium rerum inopia, adeo fuerat tota uita sump-
10 tuosus et inutilis. Erat tamen erga pauperes atque
calamitosos admodum liberalis, qua benignitate mul-
tum laudis fuisset consecutus, nisi sanguine duorum
eximiorum uirorum D. Pauli Laxmand et D. Cha-
nuti Adolphi manus suas contaminasset.

15 Anno domini .1513. Cum Iuarus Mwnck cele-
braret suas primitias non ita diu ordinatus episcopus
Ripensis, consecratus est D. Lago Wrne episcopus
Roschildensis in eadem ciuitate Ripensi, presentibus
ibidem rege Ioanne et regina Christina, multisque
20 regni episcopis, maximoque dominorum conuentu.

Eodem anno mortem obiit peste captus illustris-
simus princeps Danorum rex Ioannes eius nominis
primus, Christierni primi optimi principis filius, sed
31 pater Chris-
25 est autem in ciuitate Olburgensi, que est aquilonar-
is Cymbrię, ubi et natus erat. Hic multis annis,
nimirum trigintaduobus propemodum, Christiane
regnum Danorum moderatus est. Nam prophanorum
consilium procerum secutus, principio regni sui,
30 decreuerat molestus esse uiris ecclesiastici ordinis.
Postea uero cum sentiret, prophanos id non candido
animo suasisse, uerum magis inueterato odio, quo

Obitus regis
Ioannis anno
.1513.

laici subinde clericis sunt offensi, sententiam decreti sui mutauit. Ad finem usque uite sue erga clerum igitur fuit optime affectus, deprehenso procerum dolo. Erat autem tanta preditus solertia, ut prudenter nobilium quorundam insania frueretur, quos cum 5 mira comitate sibi conciliasset, ob mutua tamen ipsorum dissidia ac quotidianas iniurias, quibus se inuicem afflictabant, grauiter in eos animaduertebat, quibus tamen nulla uidebatur intolerabilis mulcta, quod omnia leniret incredibili affabilitate. Quod si 10 Christiernus secundus huius patris sui uestigia fuisset insequutus, nunquam tanto dedecore fuisset e regno profligatus. Quod si rex iste coniugij fidem seruasset (que res in principibus est rarissima) tem- 32 perassetque a bello et sanguine, in que tamen casu 15 magis quam proposito inciderat, abstinisset etiam ab iniqua sententia, qua decernebat contra heredes Pauli Laxmand, magistri equitum, fuisset princeps sane et optimus et felicissimus. Porro cum in rebus mortalium nihil sit ab omni parte beatum, et optima 20 queque desiderantur semper, habentur uero nunquam, non minimam laudem merentur ij, qui uitam agentes in deliciis ac opibus, huiusque caduci seculi strepitu et pompa, mediocritatem seruare potuerunt. Hic princeps post fata multorum lachrimis est de- 25 sideratus, etiam illorum, qui adhuc uiuentem auersabantur, quando iam uidebant Christierni regis principatum quandam pre se ferre tyrannidem. Ea est enim mortalium condicio, ut absentia placeant, presentia uero displiceant. 30

Anno dominij .1514. desponsata fuit Christierno secundo regi Danorum soror Caroli quinti Cesaris